

HARVARD COLLEGE LIBRARY
FROM THE
HARVARD-YENCHING
INSTITUTE
APR 29 1930

92

Ch L 3203.88

Ch I 3203/3 142.83

江南通志卷一百八十九

人物志

列女 貞孝 安徽寧池太廬鳳穎八府滁和廣六泗五州

安慶府

明程氏女系出河南隨父家於皖許字楊宗禮未婚夫亡家貧母強之再字女泣曰餓死事小失節事大紡績自給終身祀烈女祠

方氏女桐城人許字盛某未嫁夫亡服衰往哭歸依兄以居年七十卒

左氏女桐城人許字韓昂昂父避仇遠適挈昂行聽女別議婚女曰一與之盟焉能更事他人堅守至二十載



崑歸成婦七年卒

章氏女太湖人許字汪氏子未婚汪夭女毀容截髮守志以終

羅氏女望江人小字引貞許字方自宣方夭女聞百計求死為母姊所持因求歸方氏績紡奉姑二十年無疾而終崇正時旌表

國朝

黃巽貞懷寧人許字葛一舉舉早沒黃年十五聞訃奔

喪斷髮奉養舅姑編衣疏食卒合葬舉墓祀烈女祠

程氏女懷寧人許字陳洪未婚洪死女固請服喪立嗣

守志嘗割股療姑病

高氏女桐城人許字王家俊夫亡衰經奔喪設主於室

守貞以終

康熙年

旌表

許氏女桐城人許字儒童胡尚虞尚虞死衰經奔喪

居紡績孝養舅姑立尚虞兄子祚履為嗣

雍正十三年

旌表

童氏女桐城人許字馮某

方氏女桐城人許字葉文元

吳氏女桐城人許字張若琅

姚氏女桐城人許字王士瑤

周氏女桐城人許字章彌六

林氏女潛山人許字王前洛

馬氏女潛山人許字黃化澤次子

周氏女太湖人許字章鍾祥 以上俱未嫁夫亡守貞
儲良相妻時氏潛山人嘗割股以愈姑病夫病復然
龍氏女望江人名佛貞割股救祖母疾

徽州府

唐章氏二女歙人隨母登山採桑虎攫母二女號呼搏虎
母竟獲免終身奉母不嫁刺史劉贊表所居爲孝女鄉

宋汪三桂妻張氏歙人嫁逾月而夫亡養舅姑以孝聞

葉氏女婺源人許字程士龍未嫁奔夫喪誓不再適事
聞旌表

葉氏女歙人父母歿鞠於叔母叔母疾割股救之終身
不嫁年八十一終

明程溧妻汪氏休寧人割股療姑病詔旌表

李德位女婺源人年十六聞父遇害慟哭自經洪武九
年立祠歲祀

汪基女婺源人許配葉天彝奔喪事舅姑守節旌表

胡氏女歙人名玉娥年十三偕弟之憲割股療母病題
旌雙孝

方氏女休寧人許字李宗敏敏死議婚不從往李守節
終養舅姑旌表

王氏女休寧人許字程思未婚客死氏守志養姑建坊
旌表

江巖龍妻方氏歙人繼姑性嚴好督責疽發背方親視

藥洗滌至以舌舐瘡口二十五而寡撫妾遺腹子成立
崇正時旌

俞堂妻胡氏婺源人家貧翁老瞽病瘋堂傭外胡生養
死葬以勞瘁死

江茂嵩妻俞氏婺源人嵩客外姑病篤俞夢神教以進
乳乳姑從之姑愈而俞以困憊死

朱隱貞歛人年十七許嫁未適而夫死不嫁終身

詹子民二女歛人姊名師妹名岳皆未嫁守志終身

程法姑歛人許字蔣應約約亡女臨喪哭奠隨孀母守
節

程氏女歛人許字吳從仕仕亡女奔喪守節

許氏女歛人幼警悟通書史年十七割股療父疾

黃細姑歛人許字章一綱綱死寇難女坐臥一室禪誦
終身

黃玉芝歛人性至孝嘗割股療母病

施氏女婺源人父仁卿歿遺孤二齡女年十五撫弟不
嫁人稱其居為貞節里

國朝金氏女休寧人許字吳士書士書早歿守貞終身

雍正三年 旌表

曹氏女婺源人許字汪曦夫亡守貞

盧氏女黟縣人許字許永元元死女詣許守貞

雍正四年 旌表

江南通志 卷一百一
吳氏女歛人許字胡國辰辰亡女過門事舅姑立嗣守貞

雍正九年 旌表

金慶治妻汪氏婺源人事翁姑盡孝姑盲顯天禱祠得明

雍正十年 旌表

胡氏女歛人名芳葵年十九尚未許字事父母祖父母俱得歡心祖母病劇女割左股和羹進得愈逾時病復作女復割右股家人無有知者忍痛侍側晨夕弗少怠祖母死女號慟創裂連呼祖母及父母而絕

汪子賡女歛人母病瘋步送館女侍疾盡孝母亡殮畢

遂投繯卒

程氏女休寧人許字趙徠徠卒京邸女年十六聞訃詣趙立嗣守貞卒年四十有三

寧國府

南北朝宣城女逸其姓母爲猛獸所攫女啼號搏獸行數十里獸置其母去梁天監中詔旌其門

元葛妙真宣城人年九歲聞術者言母年至五十當死卽涕泣茹素終身不嫁以祈母壽詔褒異之

唐八妙宣城人兄亡姪幼憐其孤遂留撫之終身不字

明仲文妻郭氏宣城人年二十夫亡家貧奉姑姑病親爲嘗糞事聞旌表

汪德香南陵人未嫁夫死奉夫主居一室家被焚所居獨完萬曆年旌與梅烈婦同祠

胡催蓮涇縣人許聘朱御御亡衰經往奠偕一婢樓居不見一人姑病顛天刲股得瘳年六十卒其婢亦以處女終事聞旌表

張星妻陳氏宣城人繼姑甚嚴嘗以無事碎其首父聞之恚氏曰兒自失足耳非姑所致也姑得惡疾同臥起者三月無懈意

翟抱貞涇縣人許字王怡怡亡氏衰經奔喪遂依舅姑以節終

趙善末妻王氏涇縣人幼養於趙未婚末亡伯父欲使他適氏曰侍姑終天年可也年三十六姑沒又勸之氏曰吾老矣又何之遂以完節聞

國朝胡氏女太平人許字汪忠瑚瑚亡守貞

胡昺妻周氏涇縣人未婚昺亡矢志守貞

以上雍正三年 旌表

錢氏女宣城人許字施躋躋亡守貞

雍正五年 旌表

邵重妻盛氏南陵人夫亡隣媪以家貧勸令改適盛齧斷一指示之事姑至孝一夕盜執其姑亟以身衛刃傷左臂仆地右臂仍擁抱其姑盜為感動釋去

章女佳英南陵人許字曹元輔輔卒女終身居一小樓

年八十餘卒

姚希儒妻施氏南陵人儒臨沒以瞽母弱息相誘氏謹事瞽姑飲食坐起弗少離年七十三卒卒時命子虞曰必葬我姑之側姑在時跬步無我不能行今泉路誰倚乎我願地下長相隨也

賀大震妻王氏涇縣人姑信幼子譖逼震出之王歲時問遺不敢怨尤閱數年姑病亟姑命迎還氏刲股療姑姑悔且泣夫弟譖氏者亦感悟遂相保如初

梅氏女宣城人許字施士錚未婚錚卒女詣施守貞旦夕慟哭三年沒

俞氏女宣城人許字胡鳳聲夫病同母往視及鳳聲沒留胡養姑白首一節

黃日新妻程氏寧國人寡居奉姑姑病劇氏夜夢神語以人肝可治明日便割肝進之創甚而臥鄰嫗知其故以語姑姑驚喜曰婦孝乃若是霍然起走視婦婦見姑亦驚喜而起姑由此遂愈而婦創未合求醫途遇一人裂帽氈與煎湯飲果效所遇殆神人云

池州府

明章氏女名佳英貴池人幼孤依兄嫂兄以逋賦竄死佳英與其嫂撫育遺孤終身不字

周氏女名清香東流人許字阮廷柏廷柏偕媒灼納聘歸舟溺死女聞設位哭遂獨居紡績守志以歿詔旌之

江南通志 卷之六
余謂道妻李氏銅陵人姑疾篤貧不能延醫剖肝療姑以過傷死

管氏女名蓮姑貴池人許字胡邦賢未婚夫卒往依舅姑立後守節垂三十年歿

章氏女名嘉姑青陽人許字曹某未嫁夫亡乃剪髮居一樓父母歿三弟幼稚皆撫之有成

陳某妻沈氏青陽人翁疾刲股以進遂愈

沈氏女名新弟石埭人許字涇縣查一球一球死父復許湯某女以死拒歸查奉姑至老其所居室每歲有孤燕棲之涇人士爲作孤燕來巢詩

沈氏女石埭人許字李電電與博徒遊爲父逐莫知所往翁與父諭令改適女泣不從父怒每日僅給米二合女志愈堅獨居紡績年踰八十始歿

桂一羨妻吳氏石埭人刲股療姑及夫

鄭氏女建德人許字陳某陳天女聞請往成服奉姑父母持之遭疾而殞

國朝 祭氏女貴池人許字柯繼超夫殤歸柯立嗣守貞

陳氏女銅陵人許字方國榜未婚守貞孝事翁姑以上雍正九年 旌表

胡氏女石埭人許字沈自材未婚材歿歸沈守貞以老雍正十三年 旌表

夏氏女名端姑貴池人許字姜蓁齡齡將婚而天女閉

閣八年髮為盡白姜氏迎歸立嗣後以母喪哀毀卒
章氏女貴池人名坤姑許字潘有昌有昌天父母別議
婚女聞自經母救之乃衰服詣潘哭夫於墓奉姑以終
孔尚坤子婦方氏建德人坤病劇氏割股以進臂創甚
醫者云須活鼠皮傳之尋一鼠自來若陰有祟之者傳
之而愈

姚之臯妻劉氏建德人性至孝歲大饑糠粒不飽必購
米以奉翁姑姑歿哭之幾絕後年踰七十

陳氏女石埭人許字周嶽齡將婚而嶽齡殞女聞訃臥
牀不起絕粒六日死目不瞑父囑以送柩合葬於周女
復張口應聲目始瞑

太平府

五代聶氏女當塗人家貧女年十三隨母採薪虎攫母去
女持刀追虎殺之母屍得全

宋李之儀妻胡氏名淑修字文柔之儀以撰范純仁遺表
事蔡京陷之獄淑修之京得范手創稿證之儀得免後
編管太平州遂家焉淑修純孝負土壘親淚落枯枝復
生

詹氏紹興初淮賊至蕪湖欲殺其父兄詹泣拜求以身
代賊釋其父兄女隨行過市橋躍入水死時年十七鄉
人為立祠以祀明太祖有詩褒之

明學士陶安妻喻氏當塗人名德常事姑以孝聞高帝克

金陵時安移家就焉氏因邀母偕往友諒陷城諸喻多
被其害氏母以移居無患

潘禮女當塗人名妙靜許字陸永資夫死誓不改字媒
氏偶勸之潘以沸湯自抵其首自是無敢言者年七十
六終於家

俞琬女蕪湖人名寶姐許字陸謙謙死俞守貞四十有
二年萬曆間旌

吳實妻芮氏蕪湖人實亡氏苦節事姑盡孝姑病剖股
以作羹姑死刻木肖像侍奉如生苦節至七十餘萬曆
間旌表其墓

徐民極妻董氏繁昌人名春英董輝女極邁奇疾氏剖
股以療之不起截髮苦守姑病篤復剖臂以進立愈奉
姑終老

強資之妻劉氏繁昌人姑病篤顰天割心和藥以進姑
病遂愈氏壽登百歲

孫氏二女繁昌人孫富季女兩姊嫁季嚴拒不字願侍
父以終養其伯兄聰女方十齡見而誓之曰姑能孝我
獨不能孝乎亦堅不受人聘年各七十餘郡人稱爲雙
白

徐憲女當塗人名采芹母病剖股孝事雙親終其身不
適人

白氏當塗人父夫俱失其名未嫁夫亡守貞不改年七

十有餘忽更衣拜木主前禮終而氣絕異香滿室
張椿女當塗人名玉貞幼字谷姓夫亡父母欲更配誓
不肯從守貞終老

俞氏蕪湖人許字潘子謙謙死守貞終身
生員湯一藻女蕪湖人許字吳兆辰辰亡守貞三十餘
年而卒

國朝楊可侯妻施氏當塗人年十九夫歿撫遺腹子割股療
姑病姑卒哀慟幾絕復事繼姑孝敬無異教子成立守
節歷四十二年

康熙年

旌表

王國勳妻潘氏蕪湖人年二十夫亡撫藐孤割股療姑

疾

李氏女當塗人許字朱時鳳夫歿誓同穴守貞夫家歷
三十年卒

陳國治妻晉氏當塗人年二十九夫死守節撫孤割股
療翁教子成立

以上雍正二年

旌表

施有應妻周氏當塗人年二十八夫歿事舅姑盡孝姑
病氏割股以進撫孤成立

雍正三年

旌表

萬尚相妻齊氏蕪湖人年十九夫亡苦志守節姑病氏
割股以進撫孤成名

雍正五年 旌表

曹氏女蕪湖人許字范馴夔夔死誓不改字守貞終身

雍正十年 旌表

張氏女蕪湖人許字韋聖聰未嫁夫亡守貞隣家火災氏護翁姑不出門天反風火滅

雍正十三年 旌表

庠生陳啟忠妻潘氏當塗人潘謹女受聘後夫患瘋疾舅辭婚氏截髮以誓歸陳侍夫疾夫卒事舅姑以孝父遂死無子氏迎櫬歸墓苦節五十餘年

庠生魯天璧妻邵氏當塗人夫亡貧甚勤紡績以奉姑剜肝以療姑病姑歿營墓盡禮

汪元選女當塗人許字吳炯然炯死汪守貞不字與寡母胡氏共帷苦節

朱氏女當塗人許字戴國榮戴卒氏年十六奔喪撫棺泣血歸依孀母守貞歷三十餘年卒

曹氏女當塗人名淑女許字黃元鼎未嫁黃遠遊不歸氏矢志獨居一樓廿餘年卒

魏日曉妻唐氏當塗人夫與翁姑病俱割股療之夫亡苦節五十二年卒

沈載道妻殷氏當塗人夫亡苦節教子割股療姑

張治維妻徐氏當塗人初割股療姑夫病復割股苦節

撫孤五十餘年

丁士端妻劉氏當塗人年十七夫亡苦節教子翁病割股療之

楊復泰妻張氏當塗人夫亡苦節姑病痿朝夕扶掖無頃刻離

庠生曹臺岳妻方氏當塗人姑病篤氏籲天割股以進姑立愈

張旭妻孫氏當塗人姑病割股療之

太學生鍾肅祥妻孔氏當塗人姑邁奇疾氏割股和肉糜以進姑姑疾頓起嘗歸寧見江畔暴屍捐貲鬻襪以瘞夫亡守節以終身

楊樽妻曹氏當塗人名青楨性孝父死嘔血數升事翁

姑盡禮盡孝

張汝默妻彭氏當塗人姑病同默侍湯藥三月不解帶籲天願以己身代姑遂愈

鄉大賓李世爵妻朱氏當塗人事舅姑以孝著姑病劇氏禱神願損己壽姑後亡哀毀盡禮奉繼姑孝敬如前黃氏蕪湖人失夫名事孀姑盡孝姑瞽氏割股以進目復明

魏嘉善妻周氏蕪湖人善蚤卒撫孤守節繼姑待之酷氏奉事愈謹勤紡績以供朝夕自食糟糠不令姑見朱嘉生妻周氏蕪湖人夫與翁病俱割股療之夫死苦節四十有九年

江南通志 卷一百一十九
章甫畧妻王氏繁昌人翁病篤虔禱夜半割股以進疾遂愈

陳開虞妻楊氏當塗人年十四母病氏割股療之適陳盡典衣飾相夫營葬翁姑後父病氏仍割股鄉黨稱爲純孝

李世翰妻端氏當塗人端士志女姑病刲股以療翰仕太和邑有因貧棄妻者氏脫簪珥全之貧民棄嬰於道每收育給資以養

王燧妻徐氏當塗人夫早亡氏苦節撫孤姑病割股以療

徐章達妻夏氏當塗人姑病累月衣不解帶祝天願以身代有羅某爲人介紹鬻子僕逃羅攜子來質氏辭之火其券歲饑出穀賑濟不繼出紡績錢佐之年七十餘卒

廬州府

元張氏女廬江人嫁爲高屋妻母病目喪明張氏歸省抱母泣舌舐之忽復明事聞旌表

明李禹女秀真無爲人父禹卒於外聞訃嘔血數升卒陸萬鵬妻侯氏無爲人割肝療姑病

張崇舜妻朱氏舒城人壬午城破負姑出郭匿田間晝伏夜走啖草飲泉數日姑賴以活

國朝聞氏女巢縣人許字丁姓子遠賈不歸女終身不嫁

張冕妻陳氏巢縣人年十九守節父與姑病皆割臂肉投羹療之竟以瘡歿

方氏女廬江人許配葉文元元卒女衰服徃弔觸柩而死救甦立嗣守節

李氏女廬江人許配宋嗣熙熙卒守貞終身

趙廷璋妻陳氏合肥人少寡事姑孝姑病臥數載嘗藥滌穢以勞瘁仆地卒

陳氏女合肥人許配蘇知非非從軍歿女聞訃變服守貞終身

周氏女無爲人許字孫世祿夫歿奔喪守貞

王貞女無爲州生員王虞友女字張翰長子可權未婚

張沒女至壻家服喪事翁姑盡孝數十年如一日

鳳陽府

明潘麟妻高氏鳳陽人事父至孝適麟割股療姑姑卒偕

夫廬墓三載

岳生璧妻俞氏鳳陽人事孀姑盡孝姑疾割股以進疾卽愈

唐儒女鳳陽人年十三割股愈母疾歸葉執婦道事舅姑以孝著

尹端母陳氏鳳陽人割股愈母疾

趙廷劍女鳳陽人割股愈母疾

杜炳女鳳陽人割股愈母疾

徐士元妻孟氏鳳陽人夫病割股弗能愈自經至再解救得不死翁目盲復割股進目乃復明夫歿年二十七守節終身

沈思肇妻吳氏鳳陽人事舅姑至孝夫病氏割左臍肉煎湯進其子沈律亦于是夜割左股進疾愈

田民妻連氏鳳陽人姑病篤氏割股以進姑遂愈

孟汝濟妻張氏鳳陽人割股救母疾

張堂妻史氏鳳陽人姑病割股愈之

華宇妻劉氏臨淮人割股療姑

宋溥妻張氏臨淮人割股療姑

王大信媳鄭氏臨淮人割股療姑

劉繼與妻盛氏臨淮人割股療姑

李志學妻孫氏臨淮人割股療姑

袁氏女懷遠人年十四許字周夢蟾周歿獨居小樓守貞二十六載卒

陶仲科女懷遠人許聘劉澤遠未嫁澤遠死女年十八矢志守貞五十年卒

方繼準妻袁氏懷遠人姑病割肘肉以進卽愈

生員許惕若妻周氏懷遠人年十七適惕若入室甫三日姑病割左臍肉以進病遂痊

謝應期妻崔氏懷遠人年十七適應期繼姑病篤割左臍肉以進

呂奏雲妻唐氏懷遠人姑孫氏病唐割左臂肉作羹以進姑隨愈先是其祖姑常氏亦割臂以療翁疾何堯庚妻李氏懷遠人家貧鬻女紅以養姑姑病割股肉爲湯以進姑愈

貢生段可教妻劉氏懷遠人夫死守節姑病割股以療女適袁蘊其姑病女亦割股救之

生員張建鼎妻黃氏 媳孫氏壽州人翁病割股後黃病媳孫氏亦割股療之

曹氏女宿州人許字劉氏子劉以應試嘔血死女隨母徃弔卽拜翁姑曰此乃我家也守貞五十年

丁鳳翔妻李氏宿州人李永福女年二十三生男甫週

鳳翔歿苦志守節姑病革李割臂以進乃甦

庠生田生玉妻張氏壽州人姑病割股肉和藥以進姑愈

何邁海妻梅氏懷遠人先是翁病疫姑李氏割股以療之後李病梅氏亦割股以進姑隨愈

國朝徐長允女定遠人許字馮廷棟年十四馮卒矢志守貞

順治年

旌表

張偉器女懷遠人許字方楫未婚方病女趨侍湯藥未及門而夫卒毀容泣血守貞終身

姚淑芳懷遠人許配沈結未婚結死剪髮守節終身

李氏女壽州人許字張於垣張歿女絕粒誓死姑勿許

守貞終身

張氏女虹縣人許字金長發年十六夫卒女同父母往弔撫棺慟哭自經柩旁解救得不死遂留夫家守貞

以上康熙間 旌表

蘇球女名淑姑懷遠人許字方連成方歿女年十四截

髮毀容守貞三十八年

雍正七年 旌表

凌和繡女名金姑懷遠人許字徐逢達徐歿奔赴守貞終身

雍正九年 旌表

梅方女懷遠人許字宋德明年十六宋亡守貞終身

宮普妻黃氏懷遠人翁病割股以進頓愈

王蘭室女懷遠人許字張奇奇亡女年十四歸張守貞

翁疾刳股療之

陶鏡妻施氏懷遠人父病割股夫病亦割股

劉毓正妻李氏懷遠人割股療姑病

陸梅女懷遠人許字廖良田廖歿女年十六隨父奔撫

夫棺慟絕姻親伺之不得殉廖氏辭婚女引刀斷髮刺

面哀毀不食父母泣勸日食麥糝一二盞廖氏為立嗣

守節終身

吳國竣妻黃氏臨淮人舅患背癱危甚割股進之立愈

姜文詔妻楊氏臨淮人姑患暴疾氏割股以進即愈

張鐵冶二女臨淮人父病第三女割股救愈其妹亦割股療母疾

李氏臨淮人姜鏡家婢主母病篤割股愈之

吳國璽妻唐氏臨淮人翁病鬻簪珥以奉湯藥垂危割股療之

史筆妻朱氏臨淮人割股愈姑疾

馮如哲妻魯氏臨淮人割股愈翁疾

馮大受妻華氏臨淮人姑病氏侍湯藥衣不解帶姑歿茹齋廬墓三年

陸氏女臨淮人割股愈父疾

王家汲女臨淮人割股愈父疾

馮孰京妻張氏臨淮人割股愈姑病

張國縉妻趙氏臨淮人割股愈姑病

劉傑妻越氏臨淮人割股愈姑病

杜天鶴妻楊氏臨淮人姑病割股救愈夫亡苦節自守

王風清女臨淮人許字胡廷琮琮歿守節終身

武舉胡遵夏妻劉氏壽州人割股愈姑

袁思春妻王氏割股救姑夫病亦割股療之

庠生王錫民妻趙氏壽州人割股愈姑夫亡撫襁褓遺

孤姑歿哀慟淚盡繼血遂致雙瞽

舉人金用乾母金氏壽州人父疾篤祝天願以身代割

股救之

李大權妻汪氏壽州人割股以療姑病

劉餘慶女靈璧人許字馬饒哥馬殤女年十二讀書明

大義乞父偕往治喪見祖姑趙氏衰老無依女即隨趙

孝養守貞以終

趙桂妻華氏靈璧人父病割股舅姑病亦割股療之舅

姑歿廬墓三年

田及時妻王氏靈璧人舅病篤割股和藥療之

潘徵源妻楊氏懷遠人繼姑病兩載衣不解帶病篤割

股療之夫歿苦節終身

崔聞紹妻房氏懷遠人翁病割股療之年二十四夫死

撫孤守節

李氏女壽州人許字黃選未婚黃卒氏歸黃守貞

顧霜錫妻吳氏壽州人夫歿撫孤守節孀姑病篤氏割

股療之

李氏女壽州人許字黃瑄瑄死女歸黃守貞孝事舅姑

苦志終身

杜允吉妻葉氏壽州人姑腹疾久不痊氏割股作羹以

進疾隨愈

生員汪中植妻姜氏壽州人姑病篤曰能得肺湯否姜

應以有遂焚香告天割臂肉為湯以進姑愈得其故歎

曰我十二歲曾割股救親今汝能是得非天意耶郡守

以誠孝格天表之

謝烜妻張氏壽州人孀姑病氏割股以療夫歿奉姑育子守節終身

廩生謝令樹妻盛氏壽州人翁病篤潛剗臂肉和藥隨愈

顧問官妻方氏壽州人夫歿守節姑病篤割股愈之

夏氏女壽州人許字劉瞻函劉歿女聞訃不食父母勸止守貞數十載

馬化妻李氏壽州人孀姑程氏疾氏割股療之

生員張紹美妻葉氏壽州人割股愈翁疾郡守表之

生員方育英妻汪氏壽州人姑病氏割股以療夫歿投繯自盡解救得不死苦節教子成立

晏旭妻傅氏壽州人夫歿守節姑病篤割股以療

顧氏女壽州人許字王某未嫁夫歿女哭泣奔赴遂留奉姑守貞以終

劉欽女壽州人許字侯會玉侯病歿女年十七自縊獲救遂歸夫家守貞

劉鍾妻周氏壽州人姑病篤割股和藥愈之

毛國秀妻曹氏壽州人姑張氏病割股療之母龔氏病亦割股以愈

方貞女壽州人許字方訓未婚方歿誓不改適苦志守貞

劉顏學妻劉氏壽州人奉孀姑至孝夫病篤割股愈之

姑病亦割股以療

潁州府

明陳海妻李氏潁州人早寡守節姑病思食蒲笋氏匍匐三十餘里採之鄉人傳其孝州牧申請表之

梅廷光妻沈氏潁州人翁病氏割股以進病隨愈巡按表之有司歲給粟帛

謝氏女潁州人許字盧賡盧死女年十六訃至五日不食母多方苦勸終身茹齋女紅自給守貞五十餘載

阮時中女霍邱人隨父之任中州父病篤女割股和藥進遂愈

李氏女名大兒霍邱人年十三父病不能痊女禱天割股肉以療之

侯氏女亳州人許字徐文起夫亡往弔藁臥柩旁三載守貞四十八年

國朝陸濂女蒙城人許字麗負圖麗病瘋死女聞訃累日不飲食幾斃與父母相依守貞父病思食肉女潛割股以進頓愈父母亡哀慟嘔血

順治年 旌表

劉氏女亳州人許字胡桌未嫁胡病篤欲迎氏歸父母難之氏曰夫病翁姑老願往侍湯藥至胡門五十八日夫卒欲殉不得立姪爲嗣守貞終身

雍正六年 旌表

李廷學妻朱氏亳州人母病顛天以身代姑歿千里扶
櫬殯葬

雍正八年 旌表

侯氏女亳州人許字徐某夫歿苦志守貞

薛氏女亳州人許字張道福張為賊擄氏守貞五十餘

載卒

王氏女名素貞亳州人許字李殿基李緣事入都不得

歸父母令他適誓死不從聞隣翁識夫所在求偕往訴

當事夫得釋歸完聚偕老

姜氏女蒙城人幼許李雲鵬李病篤女欲與訟父允之

僅一見而李亡女留不去事孀姑撫夫幼弟守貞至七

旬卒

滁州

明

秦氏女名善才州人母孀居女誓不嫁養母卒年七十
有五

章氏女州人許字盧守恭盧病亟迎歸不能婚尋卒女

誓不再適年七十一終

魯氏女全椒人兄宗源夫婦俱早世遺孤志和志能女

誓不嫁撫之後和欲請旌女辭曰吾女子不嫁豈常理

乎卒年八十有四

庠生邵希伯妻趙氏全椒人事姑熊氏備極孝養姑病

三日不食氏亦三日不食媳金氏亦孝事趙克紹其姑

陳治書妻朱氏全椒人性至孝母病日不食夜不寢剖股作羹得愈越歲母卒哀毀幾死

謝氏女滁州人父以逋糧出亡其母被刑而死女營葬畢一慟而絕

國朝李氏女六合人許字全椒翰林吳昺子靈榮未婚榮歿氏聞訃歸吳守貞撫嗣姪姓入泮姓聘江寧貢士梁金鋕女未娶姓復歿梁氏年十七聞訃誓死以姑在而養姑立嗣是急遂稟父歸吳一以姑志為志鄉里咸稱一門雙節

雍正七年

旌表

羅貞女全椒人

雍正十二年

旌表

和州

明韓泰初妻劉氏泰初本新樂縣人洪武間徙家和州姑甯氏塗次撲地傷腰劉顛天刺臂血和湯以進得愈至和州姑患風痺不能起時值盛暑劉晝夜驅蠅蚊不怠姑卒未能歸墓號泣不輟事聞詔至京師厚賜之遣官送甯氏喪歸葬旌其門

沈璿妻張氏餘姚人永樂初璿父官和州吏目因家焉氏年二十三璿亡姑憐之欲令改適氏泣曰姑無子婦去姑何所依忍飢奉姑年九十有二終

賽仲玉妻清氏和州人少寡苦節敬奉舅姑舅年一百

一歲姑年九十喪葬盡禮宣德年旌表

成其德妻祖氏和州人早寡誓不再適事舅姑以孝聞
姑歿哀號不食後姑一日而死

羅氏女含山人名兌許字蔣苒苒殤女矢志守貞隣媪
給以將納某氏采遂自經急救得甦姑家高其義迎歸
後以流賊震恐隨母歸新安母死女哀毀病卒於遺篋
中得白練半幅以朱絲刺字曰此貞女羅兌之屍見者
其覆藏之蓋寇警時製以自佩也

唐有妻胡氏含山人夫卒事姑谷氏盡禮姑病湯藥必
親嘗姑曰爾至性不愧若夫俾吾轉為婦於來世可也
事聞詔賚粟帛

蔣崇仁妻李氏含山人割股療姑疾

鞠長華妻王氏和州人割股療姑疾

劉祁妻高氏和州人割股療姑疾

姜飛熊妻孟氏和州人割股療姑疾

杜如芝妻陸氏和州人割股療姑疾

彭光祖妻劉氏和州人割股療姑疾

汪嘉會母趙氏和州人割股療姑疾

王弘中妻魯氏和州人割股療姑疾

詹坤妻馬氏和州人割股療姑疾

國朝徐氏女含山人許字張有苞張殤女年十三聞訃潛投
於池母奔救得免遂歸張奉姑立嗣守貞三十六年卒

雍正八年

旌表

施某妻楊氏和州人事舅姑盡孝

雍正九年

旌表

葉貞女和州人許字張企濂將擇吉迎娶夫遘疾就醫姑執卒於舟殯城南廟宇氏凶服隨父母與姑奔喪哭奠牽姑衣下拜暈而復甦者再欲隨姑歸姑辭之氏曰予無生理實無死地姑辭之堅遂欲自經父母憐其志因歸張氏事祖姑與姑色養備至及喪葬則盡哀盡禮母氏家業中落氏力營父喪鬻針荷以供母焉守貞三十年卒

楊漢廷女和州人幼許字施萬喬後喬病瞽翁姑懇讓

氏語媒聽他適氏聞之斷髮明志及歸施姑病乳岩癰潰蓄腐難盡氏乃口吮膿血淋漓齒頰卒無厭苦姑病以愈夫亡誓以死殉絕粒六日諸子哀哭而止

以上雍正十一年

旌表

許貞女含山人許字鮑應舉舉疾篤迎歸侍湯藥未成婚而舉死女呼天泣血屢絕復甦勺水不入口父母勸之隱忍就活鮑氏無所依女隨父歸屏飾茹素足不窺戶外偶聞有議婚者卽疑爲己毀容自誓後病家延醫視之不藥而死死時強起櫛沐與家人訣勉以大義端坐而逝時年四十有五

廣德州

卷之五

人物志

貞孝

三

廣德州

明夏英六女建平人幼字廣德阮燧燧亡氏往弔遂弗還坐臥小樓四十年萬曆中旌表建坊

濮陽琦女廣德人許字施姓夫亡設神主就父家祀焉父更納他姓聘女誓死不可乃已守貞終身

國朝王命舉妻史氏建平人年十八夫亡無子始年老氏嚙藥飲水奉姑終老年七十八卒

生員宗儁妻潘氏建平人夫亡僅遺一弱女氏矢志不渝上奉耄姑色養無違人稱節孝

泗州

明羅思儒妻郭氏盱眙人割肝愈姑病

蔣東昇妻朱氏天長人夫死氏年二十四撫遺腹子與

孀姑同寢處飲食必投所好歲饑出衣釧以濟諸叔之艱事聞以孝旌表

田柏妻王氏天長人孀姑周氏久病王割股為羹以進立愈

劉廷璽妻王氏天長人翁病臥牀王衣不解帶視湯藥下乳以進九載勿怠

張振聲妻丁氏天長人割股愈姑疾

李增吉女天長人年十四祖母病篤割股救愈

吳三遷女天長人年十二割股救母病母歿不食死

陶氏女天長人名文淑割股愈母疾

岑大順女天長人年十四割股愈母疾

潘其英女天長人母病危割股以進頓愈

生員董炳妻王氏天長人年十四割股和藥愈母疾

陳其仁妻鍾氏天長人割股愈姑疾

王世臣妻徐氏天長人割股愈姑疾

吳榜望妻葉氏天長人割股愈姑疾

劉啓盛妻陶氏天長人割股愈姑疾

阮長卿女天長人許字王道昇王死女縞衣以父母長

跪請奔喪至夫家泣曰三年之喪以入門始分以嫗終

養無還理遂守貞凡三十三載跡不逾堂終其身夜臥

衣不解帶

國朝馬氏女盱眙人許字監生苗澄未嫁而澄死遂居夫家

以守貞終

康熙間 旌表

曹守毅妻徐氏天長人翁病危氏割股肉以進隨愈

令以孝德感天表之

吳日澄妻徐氏天長人夫死守節翁欲奪其志氏剪髮

誓死姑病割股愈之拮据辛勤營葬三棺

柳存贊妻俞氏泗州人割股愈母疾

宗氏女盱眙人許字蘭在時夫亡守貞終其身

石應瑞女天長人年十七父病割股勿效哀毀身死縣

令表其墓

生員沈九鈇母王氏五河人姑病篤割股救愈夫死年

江南通志卷一百八十九
二十二守節以終

李序女五河人許字陳澄泰未嫁陳死氏年十七徃弔
服喪三載返母家父母欲令改適女自縊至再俱救免
守貞終身

唐澄女五河人許字李慎言年十五慎言病沒女守貞
三十六年

江南通志卷一百八十九終

